

responsum exspectet. Revelationes vero, et miracula, aliaque beneficia supra dicta, quae in libris horum hominum vitam, et gesta continentibus, hactenus sine recognitione, atque approbatione hujusmodi impressa sunt, nullo modo approbata censeri vult, mandatque Sua Sanctitas.

« § 3. Ad horum hominum sepultra, ve-
tuit etiam, ac inhibuit, tabellas, atque ima-
gines ex cera, aut argento, seu ex alia qua-
cunque materia, tam pictas, quam factas,
atque exsculptas appendi, aut affigi, et lampades, sive alia quæcunque luminaria accendi, sine recognitione ab ordinario omni, prout supra facienda, Sedique apostolicæ referenda, ac probanda.

« § 4. Declarans, quod per supra scripta præjudicare in aliquo non vult, neque inten-
dit iis, qui aut per communem Ecclesiæ consensem, vel per immemorabilem tem-
poris cursum, aut per Patrum virorumque sanctorum scripta, vel longissimi temporis scientia, ac tolerantia Sedis apostolicæ, vel ordinarii coluntur.

« § 5. Ut autem præmissa diligentius observentur, universis, ac singulis, quam hæ-
reticæ pravitatis inquisitoribus districte præ-
cipit, ut in sua quisque diœcesi, vel provin-
cia sedulo pervigile, ne sine approbationib-
us prædictis imagines cum memoratis si-
gnis exponantur, aut miracula, revelationes,
ac beneficia prædicta publicentur, aliave
contra superius disposita fiant.

« § 6. Transgressores vero, si regula-
res fuerint privationis suorum officiorum,
ac voci activæ, et passivæ, necnon sus-
pensionis a divinis : si vero clerici sæ-
culares, privationis pariter suorum officio-
rum, suspensionis a divinis, et ab ad-
ministratione sacramentorum, executioneque
suorum ordinum respective, aliisque arbitrio
prædicatorum ordinariorum, seu inqui-
sitorum pro modo culpæ affligendis poen-
pleteo.

« § 7. Qui autem libros impresserint, aut
imagines pinxerint, sculperint, seu quoquo
modo effinxerint, vel formaverint, ceterique
artifices circa præmissa qualitercumque de-
linquentes, prædicta omnia amittant, et in-
super pecuniariis, aliisque etiam corporali-
bus poenis, juxta criminis gravitatem, eo-
rumdem ordinariorum, seu inquisitorum
arbitrio afficiantur.

« § 8. Contrariis quibuscumque non ob-
stantibus. »

Sequitur declaratio præinsertæ prohibitionis.

« Postmodum vero idem SS. D. N. a qui-
busdam revocari in dubium accepit, an ta-
bellas, et imagines, quas in posterum offerri
contigerit, recipere, et antea oblatas con-
servare liceret? Sanctitas Sua, quæ tantum-
modo voluit, occurringo abusibus, qui irre-
pere videbantur, certiore parare viam ad
eorum in terris gloriam, quorum sanctimo-
nium divina clementia placuerit admiran-
dis operibus illustrare; re prius cum illus-
trissimis et reverendissimis DD. cardinali-
bus contra hæreticam pravitatem generali-
bus inquisitoribus communicata, præsenti
decreto declaravit. Quod sicut nunquam
prohibuit, nec suæ intentionis fuit prohibere
oblationem, receptionemque tabellarum, et
imaginum hujusmodi, ita ut nulli deinceps
haesitationi locus relinquatur, statuit impræ-
sentiarum, et decernit, ut quoties ad aliquam ecclesiam, aut oratorium, locumque
alium publicum sæcularem, seu regularem
tabellæ, et imagines, aliudve similo quis-
piam detulerit, ac intercessione hominum
inter sanctos, vel beatos non adscriptorum,
quamvis cum martyrii, vel sanctitatis fama
demortuorum, optata se impetravisse dixer-
it, liceat ecclesiasticis personis ecclesiarum
locorumque prædictorum curæ præpositis,
tabellas, et imagines sive pictas, sive ex
quavis materia factas, atque aliæ quæcunque
collatæ gratiae fidem facientia simul
cum deferentis, aliorumque qui consci fuen-
t, attestationibus accipere, atque appro-
banibus ordinariis, ad quos referre statim
omnia teneatur, in secreto aliquo, seorsum
ab ecclesia, loco custodire, ibidemque jam
amota, collocare, et asservare, ut si quando
Dominus talium virorum merita beatificationis,
seu canonizationis honore in terris
decorare voluerit, extent hujusmodi sancti-
tatis qualescumque probationes, apostolicæ
Sedis judicio tunc examinandæ, contrariis
quibuscumque non obstantibus. »

Altera ejusdem Urbani VIII constitutio incipit *Cœlestis Jerusalem*, estque 134 in dicto *Bullario*, in qua constitutione omnia in priori edita de novo renovat, atque motu proprio confirmat, simulque statuit, « Ne ex tunc deinceps quispiam ordinariorum, aut ab apostolica Sede ad hoc specialiter dele-
gatorum super alicujus utriusque sexus,
cum sanctitatis, aut martyrii fama, vel opini-
ione defuncti miraculis, revelationibus,

§ II. DE VENERATIONE RELIQUARUM, ETC.

191

aliisve hujusmodi sanctitatem redolentibus
ex integro informationes quoquo modo re-
ciperet, aut processum instrueret, vel huc
usque receptas informationes, instructumve
processum ulterius prosequeretur, nisi pos-
tulator prius per legitimas juridice suscep-
tas probationes circa personam ejus, de cu-
jus miraculis, revelationibus, aliisve rebus
gestis sanctitatem præ se ferentibus age-
retur, præscriptam in præfato nostro decre-
to formam omnino servatam extitisse docue-
rit, et nisi postea successive idem ordinarius,
aut ab apostolica Sede ad hoc specialiter
delegatus diligenter præhabita disquisitione
circa eamdem personam, supra citato de-
creto nullatenus contraventum esse, rite
pronuntiaverit: utque id inviolabiliter obser-
vetur, statuimus insuper, ac decernimus, ne
transmissi ad urbem undecunque hujus-
modi processus, a Congregationis sacrorum
Rituum secretario minusque sanctæ fidei
promotore quomodolibet aperiantur, nisi
prius in sacrorum Rituum Congregatione,
allo sejunctim oblato authentico processu,
ex eo ordinarium, aut ab apostolica Sede
specialiter delegatum rite, ac recte præmit-
titur, cognovisse, ac pronuntiasse prælibato
decreto nequaquam contrarium esse plene
constiterit, ac deinde a nobis judicialiter
aperieadi eos processus facultas inducta fuis-
set. Insuper longissimum tempus, illiusque
immemorabilem cursum, de quo in prædicto
decreto, intelligi declaravimus esse tempus
centum annorum metam excedens: Deque
his, atque infra scriptis omnibus, quæ in
decretis disposita, et ordinata sunt, aliqua
suboriente difficultate ordinariis locorum, et
delegatis apostolicis quibuslibet omnem omni-
no interpretandi facultatem ademimus:
utque Sedem apostolicam desuper consulente-
runt, ab eaque responsum expectarent, man-
davimus eisdem, et alia prout in decretis
desuper editis plenius continetur. »

20. *Deductiones practice.* — Ex his itaque
constitutionibus, atque ex conclusione n. 18
posita breviter pro praxi infertur. I. Illicitum
esse de præfatis familis vel famulabus Dei
nondum beatificatis dicere Missam, vel reci-
tare Horas canonicas, vel eorum nomina
Litanii ab ecclesia confectis inserere, ac in-
vocare: item illicitum esse, in eorum hono-
rem templa erigere, vel altaria publica, aut
eorum reliquias in publica processione cir-
cumferre, aut venerationi publicæ exponere,
etc. Ratio est: quia hæc et similia cultum

denotant publicum, qui nomine Ecclesiæ,
aut tanquam constitutus ab ea fit, aut fieri
censetur; prout cum Bonacina, Sanchez, et
aliis jam diximus in *Theologia nostra Morali*,
tract. V, dist. 4, q. 4, n. 41.

21. E contraria licitum, utile, ac pium esse,
memoratos famulos et famulas Dei honorare,
ac invocare privatis orationibus ac precibus,
eos sibi in patronos eligere, in eorum ho-
norem jejunare, se mortificare, quotidie ali-
quas preces, vel alias devotiones, etiam aliis
videntibus, vel audientibus persolvere, eo
quod hæc non nisi cultum denotent privatum
utpote non nomine Ecclesiæ neque tanquam
institutum ab ea, sed tantum privata devo-
tionem exhibunt.

22. Infertur II. Circa imagines eorum, il-
licitum esse, eas cum radiis, laureolis, vel
splendoribus pingere, vel pictas habere,
sive deinceps publice, sive privatim, et in occulto
asserventur; liquet ex citatis Bullis *Sanctissimus*, et *Cœlestis Jerusalem*. E contra a sensu
contrario licitum ac pium esse, eorum ima-
gines sine radiis, splendoribus, aut laureolis
depictas vel sculptas domui sue habere, eas-
que ibidem etiam videntibus aliis venerari.
Non vero in templis, sacrariis, et oratoriis
quibuscumque præsertim in quibus sacri-
ficium Missæ, vel alia divina Officia pera-
guntur; ut habetur ex decreto Sacræ Con-
gregationis apud Landuscha *¶ Beati*.

23. *Miracula et revelationes cum fama sanc-
titatis defunctorum typis mandare, quomodo pro-
hibitum?* — Infertur III. Illicitum quoque
esse, talium nondum beatificatorum mira-
cula, revelationes, aut beneficia eorum in-
tercessione collata typis mandare, nisi prius
ad Sedem apostolicam, unde responsum
exspectari debet, transmittantur: ita clare
habentur in citata Bulla.

§ II.

DE VENERATIONE RELIQUARUM, ET APPROBA-
TIONE EARUM DEM: UBI ETIAM DE MIRACULIS,
EXAMINATIONE ET APPROBATIONE EORUM DEM.

24. *Reliquæ sanctorum, quid?* — Quæ-
ritur I. Quid sint reliquæ Sanctorum? Et
quid de cultu ac veneratione earum? Resp. I.
Per Reliquias Sanctorum ad propositum in-
telliguntur eorumdem corpora, et corporis
partes, portiones etiam minimæ, puta caput,
manus, digiti, dentes, ossa, capilli, cineres,
pulveres, item eorum vestes, panni, vela,

instrumenta mortificationis, quibus in vita usi sunt; vel quibus eorum corpora, aut partes eorum post mortem involuta erant, ita cum communi aliorum Azerius, part. I, lib. IX, cap. viii. Valensis, h. t. num. 1. Sannig, eod. cap. 1, num. 1. et alii, probationem præbente universalis praxi ac consuetudine Ecclesiæ.

25. *Quomodo coli valeant?* — Resp. II. Circa cultum, et venerationem sanctorum reliquiarum idem ferme, quod de cultu ipsorum Sanctorum dicendum est; videlicet, quod reliquiæ alicujus jam canonizati coli valeant cultu publico quolibet: beatificati autem non quovis, sed illo tantum cultu publico, quem concessit, ac determinavit Pontifex; circa quas beatorum nondum canonizatorum reliquias specialiter etiam observandum est decretum sacræ Congregationis allegatum supra num. 17. in quo cultus publici specificantur, qui beatis exhiberi prohibentur, etiam eorum reliquiis exhiberi nequeunt, inter quos etiam est, ne beatorum reliquiæ in publicis processionibus circumferantur.

26. *Cultu publico non possunt coli reliquiæ noviter inventæ, nisi prius legitime approbantur.* — Resp. III. Ad hoc, ut reliquiæ noviter inventæ, aut productæ publico cultucoli valeant, requiritur, ut prius legitimæ sint approbatæ, ac recognitæ. Patet hoc tum ex c. 2. h. t. ubi dicitur: « Inventas de novo Reliquias nemo publice venerari presumat, nisi prius auctoritate Romani Pontificis sint approbatæ. » et concil. Trident. sess. 23. de *Invocat.*, *venerat.*, et *reliquiis sacris et sanctorum imaginibus*, ubi habetur: Nulla etiam admittenda esse nova miracula, nec novas reliquias recipiendas, nisi eodem recognoscente, et approbante episcopo. » Verum quia inter hos duos textus aliqua adesse videtur contradicatio circa approbationem sanctorum reliquiarum, hinc quæ approbatio prævia ad cultum publicum requiratur; item quas reliquias Episcopus approbare possit, ponitur specialis conclusio sequens.

27. *Noviter inventas reliquias canonizati, vel beatificati etiam episcopus approbare potest; et quomodo?* — Resp. IV. Reliquiae tam beati, quam canonizati de novo inventæ non tantum a Papa, sed etiam ab episcopo recognosci, et approbari possunt. Fagnanus, in c. *Cum ex eo*, h. t. n. 6. Barbosa, in concil. Trident. loc. cit. n. 9. et 10. textu claro concil. Trident. loc. cit. ubi recognitio, et appro-

batio reliquiarum noviter inventarum (intellige de Sanctis, vel Beatis) episcopo expresse conceditur. Nec obstat textus c. 2. h. t. quia intelligi debet de reliquiis novis alicujus nondum canonizati, ut statim dicetur. Quin imo reliquiæ a Papa jam approbatæ, etiam ab episcopo loci adhuc recognosci debent, non quidem ut eas denuo approbet, sed ut valeat, an revera Romæ approbatæ sint, an vero fraus aliqua subsit, antequam publicæ venerationi exponantur. Porro ad hoc, ut episcopus rite approbet alicujus sancti, vel beati reliquias noviter inventas, et Romæ nondum approbatas, necesse est, ut adhibitis in concilium theologis, et aliis pii viris ea faciat, quæ veritati, et pietati consentanea judicaverit; » prout expresse statuitur in concilio Tridentino loc. cit. et bene ibidem observat Barbosa, n. 13. citans Azorium, part. I, lib. IX, cap. viii, q. 8; Sanchez in *Decalog.* tom. I, lib. II, cap. XLIII, n. 15, et alios.

28. *Reliquias needum beati approbare pro cultu publico non potest episcopus.* — Resp. V. Reliquias alicujus cum fama sanctitatis defuncti nondum canonizati, aut beatificati nullus præter summum Pontificem approbare potest in ordine ad cultum publicum; textus est in c. 2 h. t. docentque ibidem doctores communiter. Nec obstat concilium Tridentinum loc. cit. ubi concessa videtur episcopis universalis licentia approbandi quasvis reliquias noviter inventas; consequenter correcta dispositio juris antiqui. Nam contra est, tum quia ad evitandam juris correctionem non necessariam textus concilii Tridentini, loc. cit. intelligi debet de solis noviter inventis reliquiis jam canonizatorum, vel beatificatorum: Textus c. 2. h. t. vero de reliquiis noviter inventis, seu productis illorum, qui cum fama sanctitatis defuncti, nondum canonizati, aut beatificati sunt, uti cum aliis solide probat Fagnanus, in c. 2. h. t. a. num. 5. Ratio est, quia, si episcopus in ordine ad cultum publicum posset approbare reliquias nondum canonizati, vel beatificati, sequeretur, quod posset etiam beatificare, cum juxta dicta hoc in substantia aliud non sit, quam concedere, ut quis cultu publico aliquo coli queat; quod tamen est contra jura nova, et antiqua, uti patet ex dictis supra num. 6 et seqq. Dicitur autem notanter in conclusione: « In ordine ad cultum publicum; » quia simpliciter cognoscere, et judicare, quod haec aut illæ reli-

§ II. DE VENERATIONE RELIQUIARUM, ETC.

193

quiæ sint hujus aut illius cum fama sanctitatis defuncti, nulla ratione, nulloque jure prohibitum reperitur episcopis.

29. *Licum est, eas, antequam approbentur, colere cultu privato.* — Resp. VI. Reliquie quæcumque tam antiquæ, quam novæ, non tantum canonizatorum, aut beatificatorum, sed etiam cum fama sanctitatis, aut insignis pietatis defunctorum, cultu privato colere, et venerari quivis potest; etiamsi a nemine approbatæ fuerint, aut recognitæ, Fagnanus in cit. c. 2. h. t. n. 11. et ibi Hostiensis, Joan. Andreas, Butrius et alii communiter, arg. cit. c. 2. h. t. ubi solum prohibetur publica veneratione; ergo a sensu contrario conceditur privata veneratione et cultus servorum Dei nondum canonizatorum, aut beatificatorum. Confirmatur ex dictis supra num. 18 et seqq. ubi docuimus hujusmodi servos, et famulas Dei cultu privato coli omnino posse.

30. *Specificantur tales cultus privati.* — Infertur, quod iis modis et cultibus privatis, quibus supra diximus, coli posse cum sanctitate defunctos, coli etiam valeant eorum reliquiæ: insuper pium, ac licitum est easdem reliquias, v. g. vestes, scripturas, mortificationis, aut pietatis instrumenta, libros, imagines, etc. secum portare, ad collum suspendere; osculari, aliove simili cultu privato venerari; ut cum aliis bene advertit Fagnanus loc. cit. numer. 12.

31. *Reliquiae extra capsam non sunt ostendenda.* — Resp. VII. Circa reliquias Sanctorum specialiter etiam attendi, et observari debet dispositio c. 2. h. t. ubi præter dicta statuitur, ut « Reliquiae antiquæ Sanctorum extra capsam nullatenus ostendantur exceptis illis, qui speciali Dei dono a corruptione sunt præservati, ut post Hostiem cit. c. 2. h. t. bene observat Pirhing, h. t. num. 10.) et ne veniales exponantur, » seu vendantur; quod etiam statuitur l. *Nemo* 3. C. *de sanctis Eccles.* Cujus ratio est, quia res sacrae non sunt in alicujus dominio, nec prelii estimationem recipiunt, § *Nullius*. 7. Inst. *de Rerum divisione.* Insuper attendere, et observare oportet dispositiōnem concilii Tridentini, loc. cit. ubi de cultu Sanctorum Reliquiarum præter alia ita statuit: « Omnis porro superstitione in Sanctorum invocatione, reliquiarum veneratione, et imaginum sacro usu tollatur, omnis quæstus eliminetur, omnis denique lascivia vitetur, ita ut proaci venustate imagines non pingantur nec ornentur, et Sanctorum celebratione,

ac reliquiarum visitatione homines ad co-messiones, atque ebrietates non abutantur; quasi festi dies Sanctorum per luxum ac lasciviam agantur, » etc.

32. *Transferre corpora et reliquia sanctorum potest episcopus cura causa et consensu capituli.* — Quæritur II. Utrum episcopus absque licentia Papæ transferre possit corpora, aut alias reliquias Sanctorum? Resp. affirmative. Fagnanus, in c. 2. h. t. n. 15; Sanchez, lib. II. *Moral.* cap. XLIII, n. 25; Sylvester ¶. *Reliquiae.* q. 3 et alii, contra Glossam in can. *Corpora Sanctorum*, 37. de *Consecrat.* dist. 1. Probatur autem Conclusio ex cit. can. *Corpora Sanctorum.* ubi in sensu diviso requiritur, et sufficit consensus principis, id est Papæ (ut ibidem ait Glossa) vel episcoporum. Ratio est, quia juxta illud universale principium, episcopus potest in sua diœcesi, quæcumque Papa sibi expresse non reservavit. arg. c. *Nuper.* 29. et ibi Glossa ¶. *Retinuit. de Sentent. excommun.* Ut tamen talis translatio rite fiat, requiritur consensus capituli. Fagnanus, loc. cit. n. 29. Ratio est, quia reputatur inter ardua et gravia, quæ episcopussine consensu capituli aggredi non valet, arg. c. 1. totoque tit. *de Iis quæ sunt a prælatis sine consensu capituli.* Accedit, quid hujusmodi translatio sit quodammodo aliqua alienationis species, cum corpus S. quod prius pertinebat ad certam ecclesiam, attribuatur alteri ob quam rationem etiam justam causam requiri ad talem translationem, loc. cit. num. seq. docet idem Fagnanus apud quem plura vide de hujusmodi translatione.

Illud quoque circa reliquias Sanctorum addendum, quod furtiva earum subtractio etiam devotionis causa facta, sit peccatum sacrilegii, prout post Turrecrem. in cit. can. *Corporæ de Consecrat.* dist. 1. in respons. ad 2. bene docet Pirhing, h. t. ad finem. Ratio est, quia reliquiæ sunt res sacrae.

33. *Miraculum, quid? potest fieri a solo Deo.* — Quæritur III. Quid sit miraculum, et quæ requirantur ad illud? Ante responsionem nota merito hanc quæstionem hic fieri, quia miracula requiruntur ad canonizationem Sanctorum, de qua hic agitur. Hinc Resp. I. « Miraculum (sic dictum, quasi admiratione plenum) propriæ ac stricte sumptum est id, quod fit præter ordinem totius naturæ creatæ. » Ita divus Thomas, p. I. q. 110, a. 4, et q. 114, a. 4, quem doctores communiter sequuntur.